

ZBULONI BUKURINË E TIJ NË 7 MINUTA

Pjesa 7 nga 7

Dr. Naxhi IBRAHIM

I DËRGUARI I FUNDIT

Përktheu: Laureta Rexha

Redaktoi: Dr. Sedat Islami

AUTOR: DR. NAJI IBRAHIM/ EDITOR: ANN RONAYNE/ DIZAJNI: DR. WASEEM RIAZ

I DËRGUARI I FUNDIT

Muhamedi (paqja dhe mëshira e Allahut qofshin mbi të), i biri i Abdullahut, ka lindur në Mekë rreth viteve 570. Ai njihej në mesin e njerëzve si El Emin (Besniku). Kur Muhamedi arriti moshën 40-vjeçare, engjëlli Xhibril erdhi tek ai dhe i solli shpalljen. Në fillim, Muhamedi ishte urdhëruar që të ftonte në Islam vetëm familjen e tij të afërt, duke përfshirë gruan e tij Hatixhen. Ndërkohë, atij i ishte shpallur se duhet t'ia përcillte mesazhin e Allahut gjithë njerëzimit. Gjatë gjithë pjesës tjetër të jetës së tij, ai u komunikoi mesazhin e tij të tjerëve, krijoi një shembull të shkëlqyer dhe ishte modeli i përsosur për mbarë njerëzimin. Në vitin 632, Profeti Muhamed u largua nga kjo botë në moshën 63-vjeçare.

Profeti Muhamed (paqja dhe mëshira e Zotit qofshin mbi të) është quajtur 'Vula e Pejgamberëve'. Si Profeti i fundit, ai ishte dërguar të dëshmonte të gjithë të vërtetën që ishte shpallur tashmë para tij, duke përfshirë Ungjillin e Isait (që është ndryshe nga Ungjijtë e tjerë të ditëve të sotme). Kurani i Madhërishëm dëshmon se 'Muhamedi është i Dërguari i Allahut dhe i fundit nga Profetët'. (33:40)

Duke pohuar lidhjen mes Isait dhe tij, Profeti Muhamed premtoi se 'nëse një njeri e beson Isain dhe pastaj më beson mua, ai do të ketë shpërblim të dyfishtë'. Ai po ashtu thotë: *"Unë jam më i afërti nga të gjithë njerëzit me Isain, djalë i Mejremes, sepse nuk ka pasur Profet mes tij dhe meje"*.

Këto thënie profetike na tregojnë se si Muhamedi e nderoi Isain (paqja dhe bekimet e Zotit qofshin mbi të). Më tutje, do të diskutoj një profeci që Isai bëri në Bibël në lidhje me ardhjen e Muhamedit.

...por deri atëherë le të ndalemi te:

PERSONALITETI I SHQUAR I PROFETIT MUHAMED

Muhamedi (paqja qoftë mbi të), që nga koha e fëmijërisë dhe rinisë së tij, gjatë viteve të profetësisë dhe deri në vdekjen e tij, ka qenë i njohur nga njerëzit mendjemprehtë gjatë historisë si një personalitet i veçantë, fisnik, me sjellje, karakter dhe vlera morale të veçanta. Ai ishte i mëshirshëm, i ndershëm, i sinqertë, i sjellshëm dhe modest. Çdo detaj jo vetëm i thënieve të tij publike, por gjithashtu i jetës së tij private, është dokumentuar ruajtur me besueshmëri deri në ditët e sotme.

Ai ishte Profet, i Dërguar, mësues fetar, reformator shoqëror, udhëzues moral, udhëheqës, burrështetas, mik i besueshëm, shoqëruar i mrekullueshëm, bashkëshort i përkushtuar dhe baba i dashur. Në broshurën *Muhammad: The Prophet of Islam*, profesor Ramakrishna Rao e quan atë 'modelin e përsosur të jetës njerëzore' duke thënë:

Sa i përket personalitetit të Muhamedit, është e vështirë të hyj në gjithë tërësinë e tij. Mund të kap vetëm një aspekt të tij. Një varg skenash interesante! Ky është Muhamedi, Profet; Muhamedi luftëtar; Muhamedi biznesmen; Muhamedi, burrshtetas; Muhamedi, orator; Muhamedi, reformator; Muhamedi, Strehues i jetimëve; Muhamedi, mbrojtës i skllëvërve; Muhamedi, mbrojtësi i robërve; Muhamedi, gjykatësi; Muhamedi, i Shenjti. Në të gjitha këto role madhështore dhe në të gjitha departamentet e aktiviteteve njerëzore ai paraqitet si një hero.

PERSONALITETI I SHQUAR I PROFETIT MUHAMED

Historikisht, gjatë një periudhe kohore 23-vjeçare të profetësisë së tij, Muhamedi alejhi salam ndryshoi gjithë Gadishullin Arabik:

- nga paganizmi dhe idhujtaria në nënshtrimin ndaj një Zoti;
- nga ngatërresat mes fiseve dhe luftërave në solidaritet dhe barazi;
- nga dehja dhe pangopësia në vetëpërmbytje dhe devotshmëri;
- nga paligjshmëria dhe anarkia në jetesë të disiplinuar;
- nga degradimi total moral në standardet më të larta të moralit.

Historia njerëzore asnjëherë nuk ka njohur një transformim kaq komplet të shoqërisë më përpara apo ndonjëherë...dhe paramendojeni... të gjitha këto mrekulli të pabesueshme kanë ndodhur në vetëm dy dekada.

PROFETI MUHAMED NË SHKRIMET BOTËRORE

Jashtë përmbledhjes së kësaj broshure për të detajizuar të gjitha profecitë në shkrimet e tjera fetare që parashohin ardhjen e Profetit Muhamed (paqja qoftë mbi të), duhet të përmend se dijetarët muslimanë i kanë dokumentuar ato profeci në shkrimet e krishtera, judaike, hinduse dhe budiste.

Vërtetë, sa u përket referencave për Muhamedin në shkrimet e tjera, kjo është një temë shumë interesante që është diskutuar tërësisht në shumë libra, artikuj dhe webfaqe.

Në librin e tij të mrekullueshëm *Muhamedi në Bibël*, profesor Abdul-Ahad Dawud (më herët Reverend David Benjamin) shënon se Bibla parasheh ardhjen e Profetit, i cili është 'i njëjtë sikurse' Musai.

Mund të lexojmë edhe fjalët e mëposhtme në Librin Ligji i Përtërirë, kapitulli 18, rreshti 18: *"Unë do të nxjerr për ta një profet nga gjiri i vëllezërve të tyre dhe do të vë në gojën e tij fjalët e mia, dhe ai do t' u thotë atyre të gjitha ato që unë do t' i urdhëroj."*

Nëse këto fjalë nuk i përshtaten Muhamedit, atëherë ato mbeten të paplotësuara. Isai vetë asnjëherë nuk ka thënë që është Profet ashtu si i është thënë... Isai, sipas besimit të krishterë, do të shfaqet si një Gjykatës dhe jo si ligjvënës, por i premtuari duhet të vijë me 'një ligj të zjarrtë' në 'dorën e tij të djathtë'. (Ligji i Përtërirë, 33:2)

Dijetarët muslimanë pohojnë se kjo profeci nuk i përket askujt tjetër pos Muhamedit (paqja qoftë mbi të) sepse Musai dhe Muhamedi janë të njëjtë në shumë pika. Emrat e tyre fillojnë me të njëjtën shkronjë; ata kanë ngjashmëri në lindjen e tyre të natyrshme, në martesat, misionet dhe vdekjet normale të tyre; të dy kanë qenë Profetë, pushtues, , udhëheqës dhe burrështetas; dhe që të dy kanë sjellë një 'ligj të zjarrtë'. Në anën tjetër, Isai nuk ishte i njëjtë me Musain në lindjen e tij, në misionin dhe fundin e tij; Isai nuk u martua, nuk i udhëhoqi njerëzit e tij e as nuk bëri luftëra sikurse Musai.

Ia vlen të theksohet se 'një Profet nga mesi i vëllezërve të tyre' domethënë një Profet nga vëllezërit e izraelitëve (konkretisht ismailitët, të cilët ishin arabët), jo nga vetë izraelitët. Në variantin ekzistues të Testamentit të Ri, Isai parashikon ardhjen e një Ngushëlluesi, duke deklaruar 'dhe ai do të të japë ty një Ngushëllues tjetër' (Gjoni, 14:16).

Isai po ashtu citohet të ketë thënë: *"Megjithatë unë ju them të vërtetën: është mirë për ju që unë të shkoj, sepse, po nuk shkova, nuk do të vijë te ju Ngushëlluesi; por, po shkova, unë do t'ju dërgoj. Dhe kur të ketë ardhur, ai do ti tërheq vërejtjen botës se mëkatit, drejtësisë dhe gjykimit. Kam shumë gjëra për të ju thënë, por ju nuk mund t'i përballoni ato tash. Megjithëse kur ai, Shpirti i së vërtetës të vijë, ai do të ju udhëzojë në gjithë të vërtetën. Sepse ai nuk do të flasë nga vetja, por do të thotë gjitha ato gjëra që ka dëgjuar dhe do t'ju kumtojë gjërat që do vijnë. Ai do të më përlëvdojë, sepse do të marrë prej meje dhe do t'ju kumtojë."* (Gjoni, 16:7-14)

Pra, kush është ai tjetri 'Ngushëllues' që do të vijë pas Isait?

Dijetarët muslimanë thonë se vetëm Muhamedi (paqja qoftë mbi të) e përmbushi plotësisht profecinë e Isait për shumë arsye. Ia vlen t'i përmendim disa prej tyre:

- Referenca e Isait për 'një tjetër Ngushëllues' nuk domethënë të jetë fjala për Shpirtin e Shenjtë. (Shumë të krishterë besojnë në trinitet, që përbëhet nga Zoti si Ati, Zoti si Biri dhe Zoti si Shpirti i Shenjtë.) Sipas Biblës, Shpirti i Shenjtë ka ekzistuar para dhe gjatë misionit të Isait, përderisa Ngushëlluesi ka ardhur më pastaj.
- Muhamedi erdhi t'i paralajmëronte njerëzit kundër mëkatimit dhe t'i urdhëronte që të bëheshin të devotshëm. Ai ishte udhëheqës dhe gjykatës, me një 'ligj' në 'dorën e tij të djathtë'.
- Muhamedi i ka udhëzuar njerëzit tek e vërteta fundamentale sa i përket Zotit të vetëm të vërtetë, qëllimit të kësaj jete, jetës së Përtejme dhe Përhershmerisë dhe shumë të vërtetave të tjera.

- Muhamedi na ka informuar për gjërat që do të ndodhin, përmes shumë profecive dhe mrekullive të ardhura atij nga ana e Allahut.
- Muhamedi (paqja qoftë mbi të) ishte Profeti që ‘nuk flet nga vetja e tij; por çfarëdo që dëgjon, ai do ta flasë atë’ (Gjoni, 16:13). Ai ishte instrument përmes të cilit Zoti shpalli Fjalën e Tij, Kuranin e Madhërishëm, të cilën ai e recitoi në emër të Allahut. Bibla parathotë se ‘ai do të flasë në emrin Tim’. (Ligji i Përtërirë, 18:19). Në fakt, kapitujt e Kuranit Madhështor paraprihen nga fjala ‘Në emrin e Allahut’. Kurani Madhështor thotë:

“Me emrin e Allahut, Mëshiruesit, Mëshirëbërësit. Betohe në yllin kur perëndon, 2. se shoku juaj (Muhamedi a.s.), nuk ka humbur e nuk ka devijuar! 3. Ai nuk flet sipas qejfit të vet, 4. por ajo (që thotë) është vetëm shpallje hyjnore, që i vjen atij.” (53:1-4)

- Përveç kësaj, Muhamedi dhe Kurani Madhështor në të vërtetë e lartësojnë Isanë. Për nderim të tij, muslimanët kanë dëshirë t’i emërojnë djemtë e tyre me emrin Isa (emri i Jezusit në gjuhën arabe).
- Për më tepër, kur hebrenjtë e pyetën Gjon Pagëzorin se kush ishte ai, ai e mohoi të qenët Krishti, Elia apo ‘ai Profeti’.

“Kush je ti?”

Ai edhe e rrëfeu, edhe nuk e mohoi, dhe rrëfeu: Unë nuk jam Krishti.

Atëherë ata e pyetën: Kush je, pra? A je Elia? Ai tha: Nuk jam! Je ti profeti? Dhe ai përgjigjej: Jo!” (Gjoni, 1:19-21)

Prapë dijetarët muslimanë thonë se Muhamedi (paqja qoftë mbi të) është ai të cilit i referohet ky citat i Biblës:

“A je ti Profeti? Dhe ai u përgjigj, Jo.” Pra, kush është ‘ai Profet’?

Qartë, ky citat nuk aludon për Gjon Pagëzorin apo për Isain si Krishti, ashtu sikurse Gjoni vetë ka dëshmuar.

- Në këtë pikë, një kërkues i mençur, i ndershëm dhe i sinqertë i së vërtetës, duhet të pyesë në mënyrë objektive: **Kush është ai Profet?**
- Kush është Profeti i vërtetë që erdhi pas Gjonit dhe Isait për të përcjellë mesazhin e tyre origjinal rreth Zotit të vetëm të vërtetë?

AI ËSHTË MUHAMED!

FRAGMENTE TË THËNA NGA FIGURA TË MIRËNJOHURA LIDHUR ME PROFETIN MUHAMED

Për Profetin Muhamed (paqja dhe bekimet e Allahut qofshin mbi të) është shkruar shumë. Më poshtë janë vetëm disa nga thëniet e figurave të njohura.

Lamartine, historian i famshëm, ka pyetur: “Nëse madhështia e qëllimit, vogëlsia e mjeteve dhe rezultatet mahnitëse janë tre kritere të njeriut gjeni, kush guxon ta krahasojë cilindro njeri të madh në historinë moderne me Muhamedin?”

Lamartine erdhi në përfundimin se: “Sa u përket standardeve me të cilat matet madhështia njerëzore, lirisht mund të pyesim: A ka njeri më të madh se ai?” (Histoire de la Turquie, Paris, 1854, Vol. II, PP.276-277)

Në librin e tij “TË 100-TËT: RADHITJE E PERSONAVE MË ME NDIKIM NË HISTORI”, **Michael H. Hart** tha: “Zgjedhja ime që Muhamedi të kryesojë listën e personave më me ndikim në botë do të habitë shumë lexues dhe mund të vihet në pikëpyetje nga shumë të tjerë, por ai ishte njeriu i vetëm në histori i cili ishte jashtëzakonisht i suksesshëm në të dy nivelet, fetare dhe sekulare.”

Hart arriti në përfundimin se: “Është ky kombinim jo paralel i sekularizmit dhe ndikimit fetar që ndiej se i jep të drejtë Muhamedit të konsiderohet figura e vetme më me ndikim në historinë njerëzore”.

Në librin e tij, Islami i vërtetë, **Sir George Bernard Shaw** shkroi: “Besoj se nëse një njeri si ai do të udhëhiqte botën moderne, ai do të kishte sukses në zgjidhjen e problemeve në atë mënyrë që do t'i sillte kësaj bote shumë paqe dhe lumturi për të cilën ka aq shumë nevojë.”

Shaw shtoi po ashtu: “Ai ka qenë deri tani njeriu më i shquar që ka shkelur mbi këtë tokë. Ai predikoi fenë, themeloi një shtet, ndërtoi një komb, vendosi një kod moral, nisi reforma të shumta shoqërore dhe politike, ndërtoi një shoqëri të fortë dhe dinamike për të praktikuar dhe prezantuar mësimet e tij dhe bëri revolucion të plotë në botët e mendimit njerëzor dhe në sjellje për të gjitha kohët që do të vijnë.”

Mahatma Gandhi shpjegon: “Jam më se i bindur se nuk ishte shpata me të cilën Islami fitoi në ato kohë dhe skena të jetës. Ishte thjeshtësia e pathyeshme, vetëmohimi i Profetit, përgjegjësia për premtimet e tij, përkushtimi i tij i thellë ndaj shokëve dhe ndjekësve të tij, trimëria e tij, guximi i tij dhe besimi i plotë në Zotin dhe në misionin e tij.” (Young India Newspaper)

THËNIE TË BUKURA PROFETIKE

Më poshtë janë disa shembuj të thënieve të të Dërguarit, për të ta dhënë ty një shije të bukurisë dhe ëmbëlsisë së tyre:

- *“Fjala e mirë është bamirësi (lëmoshë).”*
- *“Më i miri prej jush është ai që ka karakterin (sjelljen) më të mirë.”*
- *“Largimi i pengesës nga rruga është bamirësi (lëmoshë).”*
- *“Veçoritë më të mira të besimit janë durimi dhe toleranca.”*
- *“Kur ishte pyetur se cila është puna më e mirë në Islam, ai ishte përgjigjur, “T’i ushqesh dhe përshëndesësh ata që i njeh dhe ata që nuk i njeh.”*

Gjithashtu, Profeti Muhammed, (paqja dhe bekimet e Allahut qofshin mbi të) ka thënë:

- *“I Gjithëmëshirshmi (Zoti) i mëshiron ata që janë të mëshirshëm. Nëse i mëshiron ata që janë në tokë, të mëshiron Ai që është në qiell.”*
- *“Asnjëri nga ju nuk ka besuar plotësisht derisa të mos e dojë për vëllanë e tij atë që e do për veten.”*
- *“Ai që ha pjesën e ushqimit të tij, ndërsa fqinji i tij shkon ne shtrat i uritur, nuk është besimtar.”*
- *“I fortë nuk është ai që i mposhtë të tjerët, por ai që e kontrollon vetën kur është i zemëruar.”*
- *“Zoti nuk ju gjykon në bazë të trupave dhe pamjes tuaj, po ai i shikon zemrat dhe veprat tuaja.”*
- *“Më i miri nga ju është ai që është më i miri në familjen e tij, dhe unë jam më i miri nga ju me familjen time.”*
- *“Më të mirët nga ju janë ata që janë më të mirët ndaj grave të tyre.”*
- *“Nga Islami më i mirë është të sillesh me butësi dhe me tolerancë.”*
- *“Njerëzit më të mirë janë ata që janë më të dobishëm për njerëzit.”*

Këto janë vetëm disa nga shembujt e thënieve të mençura, të mrekullueshme dhe të arta të Profetit.

Profeti Muhamed poashtu praktikoi atë që e mësonte; marëdhëniet dhe sjellja e tij ndaj të tjerëve reflektonte personalitetin e tij të veçantë dhe unik në moralin, mëshirën, ndershmërinë, sinqeritetin, mirësinë, vërtetësinë, modestinë, zemërgjerësinë, faljen, durimin, tolerancën, dhe shumë virtyte të tjera.

Tregimet dhe dëshmitë për cilësitë e shkëlqyeshme personale të Profetit janë të shumëta për t’i përmendur këtu, andaj le të marrim vetëm një si shmbull.

Pasi kundërshtarët e tij Mekas e refuzuan atë dhe mesazhin e tij të Islamit...

Pasi ata e përdoqën dhe keqtrajtuan atë, duke u munduar ta vrasin atë disa herë...

Pasi ata torturuan dhe vranë shumë nga ndjekësit dhe të dashurit e tij...

Pasi ata e luftuan atë dhe shoqëruesit e tij, duke i nxjerrur nga shtëpitë e tyre duke i pushtuar pronat dhe tokën e tyre..

Si i trajtonte Muhamedi këta armiq kur hyri në Mekë dhe e liroi atë nga idhujtaria dhe paganizmi?

Në zgjim të kësaj fitoreje momentale për Muhamedin dhe Muslimanët, në përfundim të gëzimit, ngazëllimit dhe lumturisë nga kthimi në shtëpi në qytetin e shenjtë të Mekës... Profeti Muhammed i mblodhi bashkë Mekasit, të cilët frikësoheshin se ai do t'i dëmtonte apo vriste si hakmarrje për dhunën e tyre në të kaluarën dhe për vrasjen e muslimanëve.

Muhamedi i pyeti ata, *“Çfarë mendoni se do të veprojnë me ju?”*

“Ti je njeri zemërgjerë dhe biri i një njeriu të ndershëm nga ne.” –ia kthyen.

Pastaj, Profeti i këndshëm, bujar dhe i mëshirshëm i fali ata. Ai tha: *“Asnjë dëm nuk do të ju prek ju. Mund të shkoni. Jeni të lirë.”*

A ke parë ndonjëherë një skenë si kjo? A ke dëgjuar ndonjëherë një histori të tillë? A mund ta ndjesh mëshirën e Profetit?

Duke e përshkruar këtë ngjarje historike të pashembullt, Profesori John Esposito tha: *“Me shmangien e hakmarrjes dhe grabitjen e sundimit¹, Profeti pranoi një marrëveshje, duke falur më parë se të përdorte shpatën ndaj armiqve të tij të mëparshëm. Sa ju përket Mekasëve, ata u kthyen në Islam, pranuan udhëheqjen e Muhamedit, dhe u përfshinë në umet (Komunitetin Musliman).”*

Në të kundërtën, a je i vetëdijshëm për mizoritë e shkaktuara nga shtete ‘superfuqi’ të ndryshme përgjatë historisë njerëzore, kur ata padrejtësisht i sulmuan, pushtuan dhe i torturuan të tjerët?

¹ Profeti Muhammed a.s., kishte mundësinë të hakmerrej dhe të vepronte siç vepronin pushtuesit, pra tua merrte pasurinë, por për t’iu treguar se misioni i tij ishte tjetër, ai zgjodhi faljen në vend të këtyre. Redaktori.

Sa më shumë që zbulojmë rreth jetës së Muhamedit, më shumë e kuptojmë sjelljen e tij të shkëlqyeshme dhe karakterin, dhe se ai ishte me të vërtetë (i dërguar si mëshirë për botët.) {Kuran 21:107}

Profeti Muhamed tha, *“Jam dërguar t’i përsosi tiparet e moralit.”*

Duke e pohuar këtë fakt, Allahu i thotë atij ne Kuranin Madhështor, *“Se ti je me virtyte madhore.”* (68:4)

A JE ENDE KURESHTAR?

Nëse je kureshtar dhe i/e interesuar të zbulosh më shumë informata dhe detaje rreth Islamit, ju lutem vizito webfaqen tonë: www.discoveritsbeauty.com

Ndihuni të lirë të na dërgoni me e-mail pyetjet dhe kritikrat tuaja në: info@discoveritsbeauty.com

SERITË E 'ZBULOJE BUKURINË E TIJ NË 7 MINUTA'

WEBFAQET E DOBISHME ISLAME

- | | |
|---|---|
| 1) Vetëm maja e ajsbergut | http://www.allahsquran.com |
| 2) Feja e Ademit dhe Havasë | http://www.quranexplorer.com |
| 3) ABC-ja e Islamit | http://www.islamhouse.com |
| 4) Përgjigje ndaj pyetjeve madhore të
njerëzimit | http://www.edialogue.com |
| 5) Emrat e Tij të bukur | http://www.islamreligion.com |
| 6) Shpallja e fundit | http://www.newmuslimguide.com |
| 7) I Dërguari i fundit | |

DËSHMIA E BESIMIT

HYRJA NË ISLAM

“Dëshmoj se nuk ka Zot tjetër pos Allahut dhe dëshmoj se Muhamedi është i Dërguari i Allahut.”

Në arabisht lexohet:

أشهد أن لا إله إلا الله
وأشهد أن محمدا رسول الله

që në shqip tingëllon sikurse më poshtë:

ESH-HEDU EN LA ILAHE IL-LA ALLAH,
VE ESH-HEDU ENNE MUHAMMEDEN RESULULLAH!

Kjo është dëshmia e besimit që duhet të deklarojmë në mënyrë që të përqafojmë Islamin; ajo përmbledh të vërtetën, bukurinë dhe thjeshtësinë e Islamit.